

შეკრიკი

გაზეთი თავის მიზნათ ისახავს—ქალაქისა და სოფლის პროლეტარიატის კლასიურ ინტერესების დაცვას.

ქუთაისი 183 დებულება მიმართეს ხალხს მანიფესტით გვიდენმა და სტახოვიჩმა მანიფესტს ხელი არ მიაწერეს.—დებულებები თინლიანდიიდან დაბრუნდენ.—ოღესამი პაერომს მოელოან,—კიევის გუმბერ-ნიაში გლეხებმა თიწლებითა და ნიჩბებით გარეკეს დრაგუნები და კაზაკები.

№ 3.

ქუთაისი-დღიური გაზეთი

№ 3.

1906 წლის 9 ივლისიდან გამოდის ყოველ-დღიური საბოლივიკო და სალიბერალური გაზეთი

„შეკრიკი“

გაზეთის ფასი: 1 წლით 3 მ., 6 თვით 2 მ., 3 თვით 1 მ., ცალკე № 3 კ. განცხადების ფასი: პირველ გვერზე პწკარი პეტით 15 კ. მეოთხეზე—10 კ. რედაქცია მოთავსებულია ბალახანის ქუჩაზედ, ალ. მხეიძის სახლებში № 5. ფოსტის ადრესი: Кутаись редакция „Шикрики“

ქუთაისი, 12 ივლისი.

9 ივლისს გამოიცა მთავრობისაგან ახალი აქტი, საცა დაწვრილებით ახსნილია სათათბიროს დათხოვნის მიზეზები. ამ აქტის დედა აზრი მდგომარეობს იმაში, რომ თვითმპყრობელობა არ მოსპობილა; ვინც არ დაემორჩილება არსებულ კანონებს და წინააღმდეგობას გაუწევს კანონიერ მთავრობას, მათ იცოდნენ, რომ ყოველგვარი თვითნებობა და არსებული კანონების დარღვევა მთელი სახელმწიფოებრივი ძალით აღაგმული იქნება. ამ სიტყვების წაკითხვაზე ტანში ჟრუანტელი გივლის კაცს, უნებურათ გაგონდება თვითმპყრობელობის განგაში დეკემბერში, იანვარში, თებერვალში, მარტში და ახლაც. ჩვენ ვიცით კარგათ თვითმპყრობელობის კანონები, ვიცნობთ დიდი ხანია მათ აღმასრულებელთ. ამის დაწვრილებით ახსნას მკითხველი აღარ საქიროებს. ვეჭვობთ, რომ მთავრობის გაკვეთილების შემდეგ, რუსეთის ხალხმა მიიღოს მამა-შვილური დარიგება: დაწყნარდით, დამშვიდდით და მიუშვირეთ ზურგი კახაკების მათრახებსო. ამის დრო წავიდა.

აქტის თავში ნათქვამია, თითქოს მთავრობას თავის ნებაყოფლობით მოეწვიოს ხალხის წარმომადგენლები,—სიმართლესთან დაშორებულია. ერთი წლის განმავლობაში თვითონ მთავრობის ანგარიშით 15000 მოკლეს მოძრაობაში მონაწილეობისათვის და 20000 დასჯეს. აი რიი შედეგი იყო 17 ოკტომბრის მანიფესტი, რომელიც მთავრობამ თებერვლის და აპრილის აქტებით სრულიათ გააუქმა. როგორც ამ აქტიდან ვტყობილობთ, უმთავრესი წარმომადგენლობის მოწვევისა ყოფილა ხალხში სიბნელის გაფანტვა და ხალხის ჭირ-ვარამის განკურნება მიწათმფლობელობის პირობათა შეცვლით. მიზანი საუცხოვოა, რათქმა უნდა. დამამტკიცებელი საბუთები ალბათ წასულშიც მოინახება, თუ როგორ ზრუნავდა მეფის მთავრობა ხალხის განათლებაზე და ხალ-

ხის ჭირვარამის განკურნებაზე. უტყუარი ციფრები მოწმობენ, რომ ორი მილიარდიდან ხალხის განათლებაზე მხოლოდ 24000000 მილიონი იხარჯებოდა და ამავე დროს მეფის სასახლეზე კი 13000000; ჯარისთვის „სმეტის“ ძალით 400000000 მილ. არის გადადებული და ამავე დროს უკანასკნელ წლამდის, სანამ ჯარის კაცებმა თვითონ არ მოითხოვეს, სარეცხ საპანსაც არ აძლევდენ; თვითეული სალდათის გაქირვებული მამა ექვს-შვიდ თუმანს სესხულობდა და უგზავნიდა წელიწადში. მიწა როგორც ამდენ ხანს მიიღეს გლეხებმა საგლეხო ბანკის დახმარებით, ისე აწი უნდა ჰქონდეთ იმედი! რამდენიმე წლის წინათ უმაღლეს დაპირებას დიდი გასაფალი ჰქონდა, საბედნიეროთ ახლა დრონი იცვალენ. ყველაზე უფრო საინტერესო მანიფესტში ის ადგილია, სადაც ნაჩვენებია სათათბიროს დათხოვნის მიზეზები. ჩვენ გუშინაც აღვნიშნეთ, რომ სათათბიროს სასტიკმა მხილება მეფის მოხელეთა ძველს და ახალ ცოდვებში და პატარა ნაბიჯის გადადგამა ხალხისაკენ ცოტა რამ სიმართლის სათქმელათ, მთავრობა აიძულა უკიდურეს საშუალებასათვის მიემართა. არ მოვტყვილობთ. მანიფესტში შემდეგია ნათქვამი: ხალხის წარმომადგენლებმა კანონდებლობით მუშაობის მაგიერათ მოკიდეს ხელი მათთვის არ მიკუთნებულ დარგს, შეუდგენ გამოკვლევას მოქმედებათა ჩვენ მიერ არჩეულ და დაყენებულ მთავრობათა... ამით ისინი არ დაკმაყოფილდენ: ხალხის წარმომადგენლებმა უკანონოთ მიმართეს ხალხს სათათბიროს სახელით. ასეთ ახირებულს რამეს, მართალი ვითხრათ, მეფისგან არჩეულ და დაყენებულ მთავრობისგანაც არ მოველოდით. პირველათ ყოვლისა უნდა სიმართლე აღვადგინოთ სათათბიროს შესახებ, რადგანაც სრულიათ დაუმსახურებელი ცილის-წამებათ უნდა ჩაითვალოს ის, თითქოს სათათბირომ კანონმდებლობას თავი დაანებაო. ორი თვის განმავლობაში ძლიერ ბევრი კანონპროექტი შევიდა სათათბიროში,

განიხილეს კიდევ და სამინისტროს გადაცეს აზრის გამოსათქმელათ. ბრალი, თუ ვისმეს აქვს იმაში, რომ ამ მოკლე დროში ერთი ორმოცი ლმეტცი ახლათ გამომცხვარი კანონი არ შეეძინა რუსეთის ხალხს, ეს უფრო გორემინკინის სამინისტროს, რომელიც სარგებლობს კანონის იმ მუხლით, საცა ნათქვამია, რომ ერთი თვე ეძლევა ვადათ მინისტრებს თავის აზრის შესადგენათ; რაც შეეხება მთავრობის მოქმედებათა გარჩევას, ეს მართალია; ამას კი ჰქონდა ადგილი სათათბიროში. ბევრი რამ საინტერესო გამოიკვლია, ბევრ ბნელკუთხეებს აეხადა ფარდა. ბევრი ურწმუნო თომებიც იძულებული გახთენ თავადი ურუსოვის სიტყვის შემდეგ, რომ „პაგრომებს“ უმაღლესათ არჩეული მთავრობა აწყობს. ჩვენ გვწამს, რომ ასეთი რამეს გამომეღვენება მთავრობას არ ესამოგნებოდა, მაგრამ უნდა ცოდნოდთ იმ ვაჭბატონებს, რომ სამუდამოთ დამალვა ასეთი საზიზღრობის ყოვლად შეუძლებელი იყო. რაც შეეხება იმ საყვედურს, რომ სათათბირომ ხალხს მიმართაო, ამაზე მხოლოდ იმას ვიტყვით, რომ სათათბირომ ჩვენდა სამწუხაროთ ვერ გამოიჩინა ამ შემთხვევაში შესაფერი გაბედულება, ბევრი სიმართლე დამალა; მან არ უთხრა ხალხს, რომ მშვიდობიანი გზით კამარლიას თავიდან მოცილება, მიწის მიღება უბრძოლველათ შეუძლებელიაო, ამ შეცდომის გასწორებას აწი უნდა შეუდგეს კანონს გარეშე მდგომი სათათბირო.

სოციალ-დემოკრატიული ფრაქციის ერთი თვე ტავნადის სასახლეში. *)
„ადგილობრივ, დაქსაულ აჯანყების დ ამოხების ხანას რუსეთში ბოლო მოეღო. დადგა დრო მწუხარი გაერთიანებული რევოლუციისა“. პ. ჰაუციკი.

ძველი რეჟიმის დროს გამეფებული პოლიტიკური კრიზისი შედეგი იყო საუკუნოების განმავლობაში მის მიერ ნამოქმედარისა. ის ისეთ ღრმა და რთული შეიქნა, რომ, არც ერთ სახელმწიფო დეკრეტებს და არც სენატის ცირკულიარებს არ ემორჩილებოდა. დღეადა და ბობოქრობდა კრიზისში გახვეული ხალხი ახალი პოლიტიკური წყობილების შესადგენათ, რომლის რევოლუციონურმა შეტევამ წარმოშვა სახ. სათათბირო. ამ პოლიტიკური დაწესებულების სახე და სულის კვ-

*) დაწვრილებით ს. დ. ფრაქციის მოქმედების შესახებ მოკლე ხანში გვექნება უფრო ვრცელი წერილი.

თება საესებით ვერ გვიხატავს ხალხის მდგომარეობას და სულის კვებითებას, მაგრამ, მიუხედავათ ამისა და წინააღმდეგ ბიუროკრატის სურვილისა თან უნდა დაყოლოდა რევოლუციონური სული. სათათბიროს უმეტესობამ მშვიდობიანი და ზრდილობიანი პოლიტიკური გზა აირჩია და ამით ფიქრობდა რევოლუციონის შეჩერებას რეფორმების მეოხებით. მაგრამ, როგორც მოსალოდნელი იყო, ამაირი რეფორმატორული ილიუზიები თვითონ მთავრობამ, თავის მხეცური გალაქტრებით ქვეყანაზე, გაუფანტა მას. ხალხის მდგომარეობა ახლა უფრო მკაცრათ წარმოსდგა სათათბიროს წინაშე, რომელიც თხოულობდა შესაფერს ლაპარკს, კანონს და შესრულებას. სწორეთ ამ დროს მიღწევენ ჩვენი დებუტატები სათათბიროში, რომლებიც ყოფენ სათათბიროს ყველა ჯგუფებს და არსებენ სოც. დემოკრატიულ ფრაქციას. ამ დღიდან სათათბიროს პოლიტიკური ჩანგი უფრო რევოლუციონურ ჰანგზე უკრავს და უფრო ნათლად ირკვევა მემარჯვენეთა, ცენტრისა თუ მემარცხენეთა პოლიტიკური საზომი. საკმაო იყო სოც. დემოკრატიულ ფრაქციის მიერ თავის დეკლარაციის წაკითხვა, რომ მას ხელის გულზე გადაეშალა რუსეთის ხალხის მოთხოვნილებანი, რომელსაც ატარებს პროლეტარიატი და მასთან დაბეჭავებული გლეხოზა. სოც. დემ. ჯგუფი აცხადებს, რომ პროლეტარიატი მიდის ყველა კლასებზე წინ განთავისუფლების საქმეში და სხვასთან ერთად იბრძვის მთელი ხალხის მწავგრელ-დამმონავებელთა წინააღმდეგ. დეკლარაცია ამბობს: „მუშა ხალხს ესაჭიროება ბრძოლისთვის ყოვლათ შევეზულდველი და ფართოთ თავისუფლება ვისაც იგივე განტერესებს შემოგვიერთდით ჩვენ. მხოლოდ ჩვენს პრინციპებს, მიზანს და იდეალს ვერავის დაუთმობთ, რომლის განსახორციელებლათ ვიმეველებთ დროს შესაფერ პოლიტიკას; ჯგუფმა მოითხოვა: მუშათა კლასისთვის 8 საათის სამუშაო დღე, ქირის მომატება, ჯარიმების მოსპობა და სხვა. გლეხებისთვის მიწები უსასყიდლოთ, ყველა ერებისთვის თანასწორი უფლებები. ყველა ამ დიდ საქმეების შესრულება, რადგანაც უუფლებო დუშას არ შეუძლია ამისთვის მოვითხოვთ დამფუძნებელ კრებას საყოველთაო, პირდაპირი, თანასწორი და ფართული კენჭის ყრით არჩეულს; ამასთანავე ს. დ. ჯგუფი მხარს დაუჭერს სახ. სათათბიროს ყოველ ცდას, რომელიც კი

მიმართული იქნება აღმასრულებელი ძალის ხელში ჩაგდებისაკენ, რომ ამით საძირკველი ჩაყაროს ხალხის ხელში სახელმწიფო ძალის გადასვლის საქმეში. ს. დ. ჯგუფი მოითხოვს სათათბიროსაგან, რომ მან მხარი დაუჭიროს პროლეტარიატის, გლეხების, ჯარის კაცების, მეზღვაურთა და კახაკების სამართლიან მოთხოვნებებს. ჯგუფი აცხადებს, რომ სახ. სათათბიროს ის ორგანოთ თვლის როგორც ერთ პოლიტიკურ საფეხურთაგანს ხალხის საერთო მოძრაობაში, რომლიდანაც შემდეგ მიისწრაფვის დამფუძნებელ კრების ხელში ჩასაგდებათ. უჭერს მხარს პროგრესულ დუმას, გადაყავს რევოლუციონურ გზაზე და მასთან ერთად ცდილობს განახორციელოს დემოკრატიული მოთხოვნები. ჯგუფი და პარტიის ცენტრალური კომიტეტი შეთანხმებით მოქმედობენ და ერთმანეთში შეთანხმების შემდეგ ს. დ. ჯგუფი დუმაში ატარებს მთელი რუსეთის ს. დ. პარტიის პოლიტიკას. ამ მწყობრმა მუშაობამ გარემოების ძალდატანებით სრულიად შეცვალა დუმის ზომიერი პოლიტიკა და უმეტესობა მარცხნივ რევოლუციისაკენ გადაიწია, რომელმაც მეტი რევოლუციონური გამბედაობა დაბადა დუმაში. ჯგუფი შეეცაქა თუ არა მინისტრებს და მთავრობას, ზოგიერთმა ზომიერებამაც მხარი მისცეს და ჯგუფთან ერთად მოითხოვედნ მთავრობის პასუხის გებაში მიცემას, ხალხის ახორებისათვის მის დასჯას და გაძევებას, სახ. საქმეების ხალხის ხელში გადატანას. მაგრამ, რადგანაც ჯერ კიდევ არ არის, როგორც ეტყობა, ხალხის რევოლუციონური ხმა კარგათ შეერთებული და შეწყობილი, ამიტომ მთავრობის გასამართლების წამი დროებით გადაიდვა. სამაგიეროთ სამხედრო მინისტრის წარმომადგენელს გენერალ-პროკურორს პავლოვს შესაფერხათ მოექცა: კაცების მკვლელი, როცა ტრებუნაზე ავიდა, იმის საყუში სათათბირომ დაინახა მთელი რუსეთის პირქუჩი და ხალხის მკამელი ბიუროკრატია, «ჯალათის» სახელით მოათალა და ერთხმით ზიზღით კარში გააგდეს.

დიდათ საინტერესო მომენტი იყო როდესაც ს. დ. ჯგუფმა თავის კანონ პროექტი შეიტანა დუმაში, რომელშიც ჩვენი პროგრამის თანახმად გატარებულია სრული თავისუფლება. სადაც ვერ უნდა გაერიოს პოლიციის აპკუნობა, პოლიციური მზრუნველობა, პოლიციური შევიწროება, არამედ უნდა იყოს სრულიად თავისუფალი. მოხერხებულმა პოლიტიკურმა ნაბიჯმა, და კულტურულმა მოთხოვნებებმა გული გაუხსნა ბ. მ. კოვალევსკის და მან შედგრაათ დაუჭირა მხარი ს. დ. ჯგუფის კანონპროექტს. მეცნიერის ასეთმა გაბედულმა ნაბიჯმა ბევრ ლიბერალს გაუხსნა პირი მის წინააღმდეგ გასალაშქრებათ, რაზედაც ის უპასუხებდა: პოლიცია საქაო არაა ერგოდეს კრებებში, ვითომ მისი წესების დასაცველათ, ნამდვილათ კი კრების თავისუფლების შესახებ უდევლათ.

ამხანაგები ადვილათ შენიშნავენ, რომ (16 ივნისიდან) ს. დემოკრატიულ ჯგუფის დაარსების შემდეგ საერთოდ დუმის პოლიტიკა იკვლება, უფრო ცხოველდება და მთავრობის საწინააღმდეგოთ უფრო ერთდება. ამ გზით ჯგუფი მიიღტვის თავის მიზნისაკენ და მოხერხებულათ უწყობს ხელს დუმის უმეტესობის რევოლუციისაკენ გადაწევას. მეორე მხრით ს. დ. ჯგუფი ატარებს პირდაპირ პარტიის პროგრამას. თან და თან იძენს ძალას და დღითი დღე აძლიერებს თავის გავლენას პოლიტიკურს და ეკონომიურს კითხვების გადაჭრაში. ასეთი ძლიერი პოლიტიკა, მეცნიერული ნიადაგი და პროგრესიული რევოლუციონური მიმდინარება შეიქნა ს. დ. ჯგუფის ნიშნობლივ თვისებათ, რომელმაც შეაკრთო და ალაპარაკა არა მარტო მინისტრთა ბაგენი, არამედ კამარისააც მოუვლინა ცივებ-ცხელება და ბოდვა დააწყებინა, რომელ ბოდვაშიაც მისმა ბელადმა ტრებოვამ თქვა უმჯობესია, რევოლუციის თავიდან ასაცილებლათ დუმის უმეტესობიდან შედგებოდეს სამიანსტრო მარა თუ ეს არ შეიძლება, მაშინ მთავრობამ ყოველი ძალ-ღონე უნდა მოიკრიბოსთ კადეტების სამინისტროს მეფის მთავრობამ აიჯობინა სათათბიროს დათხოვა და ამით ფიქრობს თითქოს რევოლუცია სამუდამოთ ჩააქრო.

ფარიანი.

ს. დემოკრატია და სათათბირო.

დღეს სოციალ-დემოკრატიული ფრაქცია რამოდენიმე ს. დ. ლიტერატორების თანადასწრებით არჩევდა კითხვას ხალხისადმი მიმართული დუმის დეკლარაციაზე, რომელიც გამოიწვია მთავრობის განცხადებამ აგრარულ რეფორმაზე. ფრაქცია დიდ მნიშვნელობას აძლევს ამ აქტს დუმის მხრივ

ხანგრძლივი კამათი გამოიწვია კითხვამ სოც.-დემოკრატიული ფრაქციის ამ დეკლარაციაში მონაწილეობის მიღებაზე და იმ ოპოზიციაზე, რომელიც მან უნდა დაიჭიროს დეკლარაციის გარჩევის დროს დუმაში. მეუმრავლესეების წარმომადგენლები პირველათ თხოულობდნ, რომ ფრაქციამ უარი განაცხადოს დუმის დეკლარაციაში მონაწილეობის მიღებაზე; თუ მან თავიანთი ხმებით მხარი დაუჭირა დუმის პროექტს, ეს იმას ნიშნავს, რომ ის მიდის კადეტებთან ერთათ. მეუმცირესეებს ასეთი შეხედულება შეცდომათ მიაჩნიათ: მისი ცხოვრებაში გატარება ფართო ხალხის მასაში ყალბ წარმოდგენას განამტკაცებს: თუ მაგალითად, დუმის უმრავლესობა რევოლუციონურ მოთხოვნებებს წამოაყენებს, ნუ თუ ს. დ. მას მხარს არ დაუჭერენ მხოლოთ იმიტომ, რომ მათ მოუხდებათ კადეტებთან ერთათ მოქმედება? ამ შემთხვევაში სოც.-დემოკრატიული ფრაქციის უკან დაევა ნიშნავს, ხალხური მოთხოვნების მხარის არ დაჭერას. სოც.-დემოკრატიულ ფრაქციის წევრებმა განაცადეს, რომ ფრაქცია დუმის

დეკლარაციას მხარს დაუჭერს, თუ მიღებულ იქნებიან აგრარული კომისიისაგან შემუშავებულ პროექტში სოციალ-დემოკრატებისაგან წამოყენებული შესწორებანი. ამ პროექტში არის ორი მუხ., რომლებსაც სოც.-დემ. ვერასოდეს ვერ დაეთანმუბიან. პირველში იმაზე ლაპარაკი, რომ დუმამ გამოსთქვა სურვილი სავალდებულო მიწების ჩამორთმევაზე, მაგრამ ჩამორთმევის საშუალება სხვა და სხვანაირია. დეკლარაციის ბუნდოვანობა შეიძლება აიხსნას გამოსყიდვით ჩამორთმევის სასარგებლოთ. სოციალ-დემოკრატებს არ შეუძლიათ ამას დაეთანხმონ. მეორე პუნქტში დუმა მოუწოდებს გლეხებს დაწყნარებისადმი და ამცნობს, რომ ის თვითონ უკვე შეუდგა და ეცდება მიწის საკითხი გლეხების ინტერესების სასარგებლოთ გადასწყვიტოს. სოციალ-დემოკრატებმა კატეგორიულათ უარი განაცხადეს ამ პუნქტის შესახებაც: მხოლოთ დამფუძნებელ კრებას, მოწვეულს საყოველთაო, თანასწორი, პირდაპირი და ფარული კენჭის ყოით, შეუძლია საბოლოოთ გადასწყვიტოს მიწის საკითხი; ეხლანდელ დამახინჯებულ დუმას კი შეუძლია მხოლოთ ნიადაგი მოამზადოს ამ რეფორმისთვის, დროებითი-ხომებით შეამსუბუქოს გლეხების უნუგემო მდგომარეობა. ფრაქციამ გადაწყვიტა მიიღოს მონაწილეობა დუმა დეკლარაციის შემუშავებაში და შეიტანოს თავისი შესწორებანი სავალდებულო მიწების ჩამორთმევის პუნქტში. სოც. დემოკრატებს აზრათ აქვთ უჩვენონ ორ მიმართულებაზე დუმაში მიწების ჩამორთმევის საშუალების შესახებ, აუხსნან, რომ ერთი მათგანი თხოულობს კერძო მესაკუთრეთა მიწების სავალდებულო ჩამორთმევას გამოსყიდვით. მეორე კი (სოც. - დემოკრატები) — თხოულობს სავალდებულო ჩამორთმევას სახანო, საკაბინეტო, სამონასტრო, საუფლისწულო და კერძო მესაკუთრეთა მიწებისას.

სოციალ-დემოკრატები ამ შეთხვევაში დამფუძნებელი კრების მოწვევას არ მოითხოვენ, რომ ხელი არ შეუშალონ დუმას დეკლარაციის შემუშავებაში. თუ სოციალ-დემოკრატების მიერ წამოყენებული შესწორებანი მიღებულნი არ იქნებიან, სოციალ-დემოკრატიული ფრაქცია უარს განაცხადებს ხმის მიცემაზე და მოითხოვს დუმამ მოისმინოს სოც.-დემ. ფრაქციის მიერ შემუშავებული დეკლარაცია. (პუბ.)

ახალი ამბები.

ს. დ. ორგანიზაცია გვთხოვს გამოავაცხადოთ შემდეგი: 15 ივლისს სოფ. წვეაში (შორაბ. მახ.) ყოველ წლობით იმართება დიდი ვაჭრობა, რომელსაც მთელი ზემო იმერეთის მცხოვრებნი ესწრებიან ხოლმე წელსაც ვაჭრებს სურვილი ჰქონიათ ჩვეულებრივი ვაჭრობა გამართონ ს. წვეაში, მაგრამ ვიდაცებს ხმები გაუვრცელებიათ: ს. დ. კომიტეტი ვაჭრობა 15 ივლისისთვის

აკრძალაო. კერძოთ ამ გვარი საჩივართ მოგვმართეს რამდენიმე ვაჭრებმა, რომლებიც ამტკიცებენ რომ ზემოთ მოყვანილ ვაჭრობას უნდა შეეერთლა ყოფილა ხალხში გავრცელებული. ჩვენ ვაცხადებთ, რომ არავითარი ამ გვარი განკარგულება ს. დ. კომიტეტს არ მოუხდენია და ვაჭრებს ხელს არავინ შეუშლის ვაჭრობაში.

10 ივლისს, დილის 12 საათზედ, დროებით ქ. ქუთაისში მცხოვრები ფილიბე ივანესძე კიკნაძე შესულა ბარათაშვილის ფართლის მაღაზიაში და მოუპარავს ერთი თოფი ჩითი. ქურდი კიკნაძე ბოქაულმა ბახტაძემ დაიჭირა და საქონლი პატრონს დაუბრუნა; კიკნაძე დაატუსალა.

კვირას, 9 ივლისს, დ. ქიათურაში ი. ხარდალიშვილის გამგეობით წარმოდგინეს ახალი პიესა „სიმდიდრის მსხვერპლი“, თვითონ პიესა თანამედროვეა და შინაარსიანი, მხოლოდ აკლია ტენიკური მხარე. კარგი იყო ქ. ურბნელი (თამაროს როლში) მიხვრა მოხვრით და ხმით; მშვენივრად იმდერა „ქრიან ქარნი“. კარგი იყო აგრეთვე ი. ხარდალიშვილიც (გიორგის როლში) დანარჩენები საერთოთ ხელს უწყობდნენ ანსაბლს.

გადაითარგმნა: „დამიანის და მოქალაქის უფლებანი“ ნ. კაბანოვისა; „ოლქობრივი ხალხის მართველობა“ მისივე. „პროვინების თავისუფლებაზე“ ნ. რ.—სა.


სოფელ ფუთში (შორაპნის მაზრაში), როგორც იქიდან ჩამოსულებმა გვიამბეს, 9 ივლისს ღამით დიდი კოხი მოსულა და ქირანხული სულ ერთიან გაუხადგურებია.

„ჩერ. ვეს.“ ატყობინებენ, რომ გურულთა შეიარაღებულ ორგანიზაციის საბრძოლელად „ბახმაროს“ მიდამოებში, მოუხდენიათ განკარგულება იარაღი ახადონ იქ მცხოვრებლებს. ამას გარდა ოზურგეთში მდგომ რაზმის ოფროსისთვის მიუხდრიათ დაიჭიროს და ციხეში ჩამწყვდიოს ის პირები, რომლებიც პოლიტიკურად არა კეთილ-სამედლონი არიან.

გუშინ, 10 ივლისს, დამის 10 1/2 საათზე ყაზახებმა შეაჩერეს თფილისის ქუჩაზე მიმავალი ბ. ა. მ—ი; შემოეხვივნენ გარშემო და დაუწყეს ჯიბეების ჩხრეკა. დიდ ხანს უფათურეს ჯიბეებში ხელი და რომ ვერა იპოვეს რა მათთვის სასარგებლო გაუშვეს. ჩხრეკის დროს ყაზახები, როგორც თითონ სთქვეს რევოლვერს ან სხვა რამ იარაღს ეძებდნენ. თუმცა საფუღეში არავითარი იარაღის შენახვა არ შეიძლება, მაგრამ ყაზახებმა არც ის დასტოვეს გაუჩხრეკილი.

კავშირის ქრონიკა.

მიხაილოვის საავადმყოფოში, მას შემდეგ, რაც იქ დააწვიეს მოსარჩენათ დაქრილი პოლიცმეისტერი, იცავს 32 ჯარის კაცი. — როგორც გაზეთი „დნი“ გადმოგვცემს, თფილისში გაფიცულან სააკიანცის ფეხსაცმელის სახელოსნოს მუშები და წარუდგენიათ ეკონომიური მოთხოვნები. — აღექსანდროპოლიდგან ეუწ-



ყებიან, რომ იქ სამხედრო ცეცხლებიდან 5 ივლისს გაუტაციათ უცნობებს რამოდენიმე ათეული თოფი, 70 რევოლვერი და აუარებელი პატრონები.

— ბაქოს დროებით გენერალ-გუბერნატორმა წინადადება მიცასალიანი პოლიკის ოფიცრებს, დაეჭირათ ბაქოს პოლიცემისტრის თანაშემწის ადგილი, მაგრამ აფიცრებმა კატეგორიული უარი განაცხადეს.

— ს. ეწერა (ზუგდ. მახ.) მოუკლავთ ადგილობრივი მიწათ-მფლობელი ახნაური ანტონ თავბერიძე.

— სათავად-ახნაური გიმნაზიაში, როგორც ვახ. „დნი“ იუწყება, დაუბინავებიათ მე 15-ტე გრენად. პოლიკის ერთი ბატალიონი.

— ქ. ფოთში და კინტრიშის უბანში ნამესტნიკის ბრძანებით 4 ივლისს გამოცხადდა სამხედრო წესები. დროებით გენერალ-გუბერნატორად ინიშნება მიხევევი.

მ ე გ ო ბ ა რ ს .

მეგობარო! უკუ აგდებ დიაკური ქმუნვა, დარდი, ბრძოლას ითხოვს მედგარ ბრძოლას სატრფიალო განთიადი!

წინ! წინ გასწი მხნეთ და მედგრათ, არ უხარო მტარვალთ ქედი, დე, გესროლონ მათ ისრები, გაგვიმირონ თუნდ გულმკერდი!

თუ კი გესმის ჩაგრულ ხალხის იღუმალი გულის ძგერა, ან თუ შეგწევს ძალა ბრძოლის, გწყურს სიმართლის დროშის ქერა,—

წინ! წინ გასწი! წინსვლაშია მეტროპოლისა მხოლოდ ძალა... ვაშა, ვაშა მას, ვინც თავი მთლათ განთიადს ანაცვალა!

მეგობარო! მამა გაფანტე დიაკური ქმუნვა, დარდი; ბრძოლას ითხოვს, ბრძოლას მედგარს სატრფიალო განთიადი!

ქან—ღონ.

პ რ ო ვ ი ნ ც ი ა .

სკანეთა. 4 ამ თვეს ცაგერიდან გამგზავრა ჯარი სვანეთისაკენ და იმავე დღეს შევიდნენ პირველ საზოგადოებაში „ლეღტენში“. იმ დამეს დაბარდნენ იმ საზოგადოებაში და საქმემ მშვიდობიანათ ჩაიარა. მეორე დღეს გაუდგნენ გზას ს. ჩოლოური-საკენ და დაღამებისას შევიდნენ ამ საზოგადოებაში, სადაც ჯარი შეჩერდა ორი დღით. ჯარის უფროსმა შიშვენიშმა წარუდგინა ხალხს შემდეგი მოთხოვნები: 1) იარაღის დაყრა; 2) მეთაურების ხელში მიცემა; 3) გადასახადების გადახდა 4) სალდათის მიცემა, 5) ფიცი მიიღონ დღეის იქით მთავრობის ერთგულებაზე და სხვა და სხვა.

იარაღის დაყრის შესახებ უპასუხეს სვანებმა „თუ თავადები დაყრიან და იმ პირობას მოგვცემენ, რომ დღეის იქით ჩვენ მათ იარაღს არ დაუნახავთ, იმ შემთხვევაში ჩვენც დავეყრით, თუ არა და არა. რადგანაც ჩვენ შეუიარაღებელ ხალხს მერე თავადები, შეიარაღებულნი უშიშრათ დაგვიწყებენ ლანძღვისა და ქადილსა.“ — შიშვენიშმა კანონიერათ სცნო ხალხის მოთხოვნები და ჩამოარ-

თვა იარაღი თავადებს. შემდეგ ხალხმა მიიტანა რამოდენიმე დამტკრეული და უვარგისი თოფი. მეთაურების შესახებ უეცრით იმერეთში, რა ვიცით ჩვენ ვინ იყვნენ, მოდიოდნენ და მიდიოდნენ და საიდან მოვდებნათ ჩვენ ისინი. ფიცის მიღების შესახებ თავადებისა და მთავრობის ერთგულებაზე უარი უპასუხეს. ჩვენ დაფიცებული ვართ და ამდენ ფიცს ვატყობს სიკვდილი გვიჩვენიაო“ და ისე პატიოსან სიტყვას გაძღვეთ თქვენი მოთხოვნები და ვაკმაყოფილოთ. ამ საზოგადოებაში ხმა გაერცელდა თითქო სამი ქართველი სალდათი ჩუმათ ხალხში პრაპაგანდას ეწეოდნენ და დარიგებას აძლევდნენ ხალხს. ეს ამბავი გაუგიათ. გარდაუხადებებს და დიდებულ ჯაშუშებს სასტიკათ დაუსმენიათ შიშვენიშან. გაუგიათ სახელი და გვარი ამ სალდათების და შემდეგ დიდი ფაცა ფუცით შეუდგნენ თურმე გამოძიებას, მარა სალდათები გამართლდნენ და თავადებმა დიდი საყვედური მიიღეს შიშვენიშისგან მადლობის ნაცვლათ, ამავე სოფლიდან გაგზავნა შიშვენიშმა კაცები ზემო სვანეთში და შეუთვალა მათ, თუ დებუტაციას გამოგზავნიან და დააკმაყოფილებთ ყველა ჩემ მოთხოვნებს, იმ შემთხვევაში მე მადლობას გადაგიხდით და უკან დაებრუნდებით“

ჯარის თანმხლებელ თავადები რომ შიშვენიშმა პირდაპირ წასვლა არ გადასწყვიტა მათი სამეფო სვანეთში და ხალხს ნამეტან ზრდილობიანათ ებყრობოდა, როგორც შიშვენიში, აგრეთვე ჯარის კაცებიც, ამავე გაჯავრდნენ. ისინი მაინც დაჟინებით თხოულობდნენ პირდაპირ წასულიყვნენ ზემო სვანეთშიც. შიშვენიშმა თბის საქციელი ბრძანებლობათ, ჩათვალა, გალანძღვათ მიიღო და საკადრის სიტყვებით მიმართა მათ. ამის შემდეგ თბი უკან დაბრუნდნენ. რომ პროვოკაციამ არაფერი გამოიწვიოს, თვითონ სვანები დაყობიან მას. სოფელ ჩოლოურიდან შიშვენიშმა გაგზავნა აგრეთვე შუამავალი კაცები სვანები სოფელ ლაშხეთში, რომელიც ითვლებოდა ყველაზე უფრო დამნაშავეთ სვანეთში და შეუთვალა მცხოვრებლებს: „მე მოვდივარ თქვენთან მშვიდობიანის გზით, მშვიდობიანობის დასამყარებლათ და არა რაიმე ბოროტ განძრახვით და რა აზრისა ხართ შამომითვალეთო.“ იმ სოფელმა მისცა პასუხათ: თუ მართლაც შევიძლიათ თქვენი სიტყვები გაამართლოთ, მომძნდით ჩვენ მზათა ვარ პატივისცემით მივილოთო, და შიშვენიშიც გამგზავრა სოფელ ლაშხეთისაკენ. გზაზე წინააღმდეგობა არ გაუწევიათ, შევიდნენ სოფელში და დაბარდნენ. ჯერ-ჯერობით მშვიდობიანობა და შეიძლება აქაც მშვიდობიანად ჩაიაროს საქმემ და ეს უკანასკნელი იმედი და სურვილი სვანეთის აწიოკებისაც გაუცრუვდეთ თავადებს. ჯარში ნამეტანი მღელვარება არის, რადგან გზაში ბევრი სიმწარე და გაჭირვება გამოიარეს თურმე და აბრალდნენ ამას მარტო თავადებს და არა ხალხს და გაიფიცნენ რომ თუ ვინმე ჩვენ-თავანი ავადმყოფობით მოკვდეს მა-

შინ ჩვენი ხელით მოვკლათ თავადებიო. ზემო სვანეთში წასვლის შესახებ სალდათებიც პროტესტს უცხადებდნენ თურმე.

მეთვალ-კურე.

გაფიცვა საქარას და ავგუთას სანჯელ მინდვრებზე მუშათა შორის.

პირველად გაფიცვა გადაწყვიტა საქარის „პიტომნიკის“ მუშებს, რომლებსაც მხარი დაუჭირა არგვეთის „პიტომნიკის“ მუშებმა. ორივე პიტომნიკში 19 კაცი მუშაობს. მათი გაფიცვა უმთავრესად ეკონომიური იყო, და ეკონომიურადვე დარჩებოდა უთუოდ, რომ ერთ ინციდენტს, მებაღე ბ. ჩივადისა და ბ. პროზეროვის შორის არ გაერთულებია გაფიცვის საქმე.

მუშების აზრით, ინციდენტის მოსვლამდისაც ქონიათ მათ ლაპარაკი და მზადება გაფიცვისთვის. როცა ინციდენტი წამოუყვია თავი მაშინ, უსიამოვნო გართულებას ვხვდებით გაფიცვის საქმეში. ამიტომ პირველათ უნდა გავიგოთ ინციდენტის თვისება და შემდეგ გადავიდეთ მუშების საკითხზე.

ბულგალტერმა ბ. პროზეროვმა ბ. გარავეის ნებართვით ცოტაოდენი სილა დააყრევინა თავის სახლის წინ. სახლის წინ დაყრილი სილა უნახავს ბ. ჩივადეს და დაუწყია დამყრელის გაკიცვა. ბ. პროზეროვი სახლიდან გამოსულა და ჩივადისთვის აუხსნია, რომ ბ. მმართველის გარავეის ნებართვის შემდეგ დაგყარე სილაო. ეს ჩივადეს საწყენათ დარჩენია და უთქვამს ბალი მე მახარია, მე ვუფლი და უჩემოთ ეს არ შეიძლება. პროზეროვს უპასუხია, მე არ მესაქიროება თქვენი ნებართვაო. ამას შემდეგ ორივეს გული მოსვლია და დაშლილან, მხოლოდ დაახლოვებით ერთი საათის შემდეგ ბ. ჩივადე კანტორაში შესულა და პროზეროვისთვის მოუთხოვია ახსნა: რათ გამლანძღეო. ბ. გარავეიც იქ ყოფილა. პროზეროვს უპასუხია, მე არაფერი მსურს თქვენ ავიხსნათო. იმ წამშივე ბ. ჩივადე ივარდნია და ბ. პროზეროვისთვის სახეში გაურტყავს ხელი, რომელსაც ორი კვირის შემდეგაც კი აჩნდა თვალის სიახლოვეს დალილავებული ადგილი.

ამ ინციდენტს შემდეგ დაუყოვნებლივ მუშების წინანდელი მღელვარება გაფიცვით ცხადდება. მოთხოვნილებებს ადგენენ. მოთხოვნილებები ვახ. „შრომაში“-აც მოთავსებულია შემდგენიერათ: 1. მუშებთან ზრდილობიანათ მოპყრობა; 2. ჩივადის თავის ადგილზე დატოვება. სხვა მოთხოვნილებები ეკონომიურია, რომელთაც ქვეით დავინახავთ.

ინციდენტს შემდეგ ბ. გარავემა ბ. ჩივადე დაითხოვა, მაგრამ, რადგანაც მუშებმა მოითხოვეს მისი იქ დარჩენა, ამისთვის მუშების დაკმაყოფილება აღმოჩნდა შეუძლებელი იმ შემთხვევაში თუ ჩივადეს არ დატოვებდნენ. როგორც ხედავთ მუშების კითხვა, ძალიან ცუდაც შეაქოვეს ჩივადის საქმეში. როგორც ს.-დ. ორგანიზაციის მიერ გამოგზავნილმა

პარტიის წევრებმა გამოარკვეეს. საქმე იყო ბ. პროზეროვის და ჩივადის ინციდენტის მოსპობა და გათიწვა მაშინვე მოასპობოდა, როგორც ნაც ბ. გარავეს და სტაროსელსკის ეკონომიურ კითხვებში თითქმის არაფერი ცილება ქონდათო; უკვე აღეთქვათ ცოტაოდენ შეცვლით მათი მოთხოვნილებების დაკმაყოფილება. ამიტომ, ძალაუფლებურათ, და არა სასიამოთ, ორგანიზაციების კაცებს უმთავრესათ ინციდენტზე უნდა მიექციათ ყურადღება. ასეც მოხდა.

რომ წერილი არ გაგზავლდეს, ვიტყვი რომ, საქარო იყო ყოველი მხრიდან და ყველასგან დამოზობა. ჩივადე იძახოდა არ წავალ. პროზეროვი და გარავეი ამბობდნენ, რანაირათ ვიცხოვროთ ამ ნაირი კაცის სიახლოვეს და ან რანაირათ ვაკეთოთ მასთან საქსეო. მუშები ამბობდნენ მაგის წასვლას ვერ დავთმობთო შეკითხვამ აღმოჩინა, რომ პროზეროვს „მერზავეცი“ ჩივადისთვის არ დაუძახია. ეს ჩივადესაც არ გაუგონია, მხოლოდ ერთი მუშა ამბობდა: დაუძახა „მერზავეცი“ და სხვა ცო. ჩივადე დამნაშავე აღმოჩნდა თავის მხეცური მოქმედების გამო: მუშებთან და სხვებთან ბოდიში მოიხდა, ეს რომელიმე გაზეთშიაც უნდა გამოაცხადოს თვითონ. პროზეროვმა საერთო საქმის გარემოების გამო დაუთმო ჩივადეს. გარავემაც დათმო და თავის თავზე იღვა ბევრი რამ. რაც შეეხება ეკონომიურ კითხვას მუშები დააკმაყოფილეს და მუშაობა დაიწყეს მუშებმა; მიიღეს: 1—ქირაზე ოცი პროცენტი მომატება; 2—9 საათის სამუშაო დღე. 3—ექიმობა პიტომნიკში და მახლობელ სოფელში ოჯახშიაც. 4) წელიწადში ერთი თვე თავისუფლება ჯამაგირით; 5) დათხოვა და თავის დანებება ორივე მხარემ ერთი თვის წინ უნდა განაცხადონ. 6) რამდენათ შესაძლებელია პიტომნიკები მოყვანილი სანოვავე მუშებს მიეცემა და სხვა. მუშები თავის ხარჯზე არიან.

ი. კ.

მუშათა ცნობებიდან

კვირას 9 ივნისს ქუთაისში მოხდა ადგილობრივ დურგალთა ბიუროს კრება. გასარჩევი იყო შემდეგი კითხვები:

1) შესახებ იმ პირთა, რომლებიც დურგალთა საერთო წესდებას არ ასრულებდნენ.

2) პროფესიანალური კასის შესახებ.

პირველი კითხვის შესახებ გადაწყვიტეს გაფრთხილება გამოეცხადებიათ ურჩებისათვის წინააღმდეგ შემთხვევაში მათ გვარებს გაზეთში გამოაქვეყნებენ. ერთხანთ გადაწყდა აგრეთვე საერთო კასის დარსება.

ტყუბულიდან ვაჭყობინებენ რომ ტყუბულის ნახშირის მალაროების მუშებმა, რიცხვით 700 კაცამდე 8 ივლისიდან გაფიცვა გამოაცხადეს; მიზეზი გაფიცვისა თავის დროზე სამუშაო ქირის მიუცემლობა არის. გაფიცულებმა წარუდგინეს,

შემდეგი ეკონომიური მოთხოვნები:

- 1) რვა საათის სამუშაო დღე.
 - 2) დღიური ქირაზე 40% მომატება (ეხლა დღიური ქირა ოთხიდან ექვს აბაზადღა).
 - 3) დღიური ქირა ეძლეოდეს მუშებს თვეში ორჯერ.
 - 4) ბინების და საავადმყოფოების გაუმჯობესება.
 - 5) ავადმყოფი მუშების წამლობა ხაზინის ხარჯზე.
 - 6) გაფიცვისთვის არავინ იქნეს დათხოვნილი.
 - 7) გაფიცულ დღეებში მუშებს ქირა მიეცეს.
- მიხაკო ენუქიძის შევირდების მოთხოვნები:
- 1) შევირდებს მიეცეთ დღეში ხარჯის ფულათ ხუთი შაური.
 - 2) შევირდებს მიეცეს ბინის ფულათ თითო მანეთი.
 - 3) შევირდებს მიეცეთ აბანოსი და სადალაქო თვეში ხუთი შაური.
 - 4) შევირდებს მიეცეს ორი წყვილი ტანისამოსი ზამთარ-ზაფხულ-აგრეთვე საცვლები.
 - 5) შევირდებს მოესპოს კერძო საქმეები, ე. ი. ოჯახში სამსახური.
 - 9) გაფიცვის დროს შევირდებს ყოველი გვარი ხარჯი ჩვეულებრივით მიეცეთ.
 - 7) ზრდილობიანი მოპყრობა ხაზინისაგან.
 - 8) გაფიცვის გამო დათხოვნილი არავინ იქნეს.

რუსეთი

როგორც „სტრანა“ გადმოგვცემს, სამხედრო სამინისტროს 30 ივნისს ცირკულიარები დაუგზავნია, რომელშიდაც ნაბრძანებია, რომ ყველა სამხედრო ნაწილების შტაბებმა მოახდინონ ფარული აღწერა ყველა ეგრეთ წოდებულ „შეგნებულ“ სალდათებისა, რომელნიც თვითონვე განსაკუთრებულ ნაწილებში მსახურებენ. სამინისტრო წინადადებას იძლევა „შეგნებულ“ სალდათების პროცენტების აღნიშვნასთან ერთად საზოგადო ჯარის კაცთა რიცხვთან შედარებით, წარადგინონ შტაბებმა მოხსენებანი, თუ რა ზომები იქნა მათ მიერ მიღებული „შეგნებულების“ გასაშორებლათ და ნარჩენი მასიდან?

— ძრწოდეთ ბნელეთის ძალებო, თქვენ ცირკულიარებსაც მალე მოეღება ბოლო, სწორეთ იმ „შეგნებულ“ ჯარის კაცების დახმარებით, რომლებსაც თქვენ ასე უფროთხით.

„უშთავრეს სამხედრო შტაბში უკვე შეუკრებიან ცნობები ჯარებში ამბოხების მოხდენის შესახებ. იმ კომისიის სხდომაში, რომელმაც ამ ცნობების საშუალებით უნდა გამოიკვლიოს მიზეზები ჯარში არეულობისა დანიშნულია თურმე გენ. ლეიტენანტი პავლოვი“. ეს ის დიდებული გვაშია, რომელიც ამას წინათ სათათბირომ ერთხმით კინწის კვრით გამოავლო კარში „ჯალათის“ ძახილით.

ვარშავიდან გუბერნატორი ტელეგრაფით ატყობინებს შინაგან საქმეთა მინისტრს: ადგილობრივ დაბანაკებულ ჯარებში დიდი მღელვარებაა. ვილენისპოლკის კაზარმებში ყოველდღე ხდება შეერთებული სალდათებისა და მუშების მიტინგები, რომლებზედაც რევოლიუციონურ სიტყვებს ამბობენ. მღელვარების ჩასაქრობათ ლოდზიდან გამოწვეულმა ვარშავის პოლკმა მოთხოვნილება წარმოადგინა: ჩვენ უარს ვაცხადებთ ვარშავაში სამსახურზე, ვინაიდან ჩვენ აქ საქმის მაგიერ ჩვენი ამხანაგების დასაწყნარებლათ გამოგვზავნეს. ჩვენ ლაგერიდან არ დავინძრევით, სანამ ჩვენ მოთხოვნილებას არ დააკმაყოფილებთ, და პოლკს თავის ადგილზე ლოდზში არ გააგზავნით. ესცნობ რა შეუძლებლათ პოლკის ლოდზში გაგზავნას, ვინაიდან საშიშობა მუშების მღელვარება მათაც არ გადაედოთ—ესთხოვ თქვენ აღმატებულებას მიიღოთ შესაფერი განკარგულებანი“.

შინაგან საქმეთა სამინისტროს დაუგზავნია გუბერნატორებისათვის ცირკულიარები შემდეგი შინაარსის: „წინადადებას ვაძლევ თქვენს აღმატებულებას, რაც შეიძლება ფართოთ ისარგებლოთ თქვენდამი მონიჭებული ვაზეთების კონფისკაციის უფლებით, რომლებიც მთავრობის საწინააღმდეგო შინაარსისაა“.

დებულები.

(პეტერბურგის დებუშათა სააგენტოსაგან) 10—11 ივლისი.

პეტერბურგა. გუშინდელმა დღემ ჩვეულებრივით ჩაიარა; სათათბიროს დათხოვნის ამბავს მცხოვრებლები აუღელვებლად ეგებება. მოსკოვიდან, ჟიტომირიდან, იაროსლავიდან და ბაქოდანაც ამასვე გვატყობინებენ.

ესანტუგა. წყლებზე მოსულმა მოავარაკენმა გაიგეს თუ არა სათათბიროს დათხოვნა, საჩქაროთ გადიან აქედგან.

საზნანა. ქალაქში და მთელ მაზრაში, მთავრობის მიერ გამოცხადებულ იქმნა საგანგებო დაცვის წესები.

„ნოვოე ვრემია“-ს გაუგია, სათათბიროს წევრნი რიცხვით 185 კაცი შეკრებილან ქალაქ ვიბორგში, თავმჯომარეობს მურომცევი; გადაწყვიტეს წინასწარ მოლაპარაკებაზე არ დაუშვან პრესის წარმომადგენლები და არც კადეტების ცენტრის წევრნი. სათათბირო გაიხსნა საატუმრო „ბელვედერის“ დარბაზში.

კელსანგფორსა. ქალაქ გარეთ წითელმა გვარდიამ და მუშებმა გამართეს მიტინგი; დაესწრენ ორასამდე რუსებიც; მათ რიცხვში სათათბიროს წევრნი: მიხაილჩენკო, გამართელი და მწერალი ანდრეევი. სიტყვები წარმოთქმულ იქმნა რუსულადაც—სათათბიროს რუსეთისთვის პოლიტიკურ მნიშვნელობაზე. ანდრეევს მუშებმა გაუძარტეს ოვაცია.

კაჯანა. იურბურგში ცეცხლისაგან გადაიბუგა 150 ებრაელების შენობები.

პეტერბურგა. „ბირჟ. ვედ“. იტყობინება, რომ პობედნოსცევის კაბინეტში საწერ მაგიდის ქვეშ იპოვნეს ორი ასაფეთქებლათ გამზადებული ყუმბარა.—ბოროტ გამზარხველნი ვერ იპოვეს. ოფიციალური „როსია“ აგრე ხსნის სათათბიროს დათხოვნას: „რადგან საქირო იყო შეგვენახა ხალხის წარმომადგენლობითი უფლება და შეგვექმნა ის ნამდვილ მუშაკად, უმალღეს მთავრობას მეტი გზა არ ჰქონდა, რადგან სცნო ეხლანდელი სათათბირო უნიჭოთ და უძლურად თავის მიზნის მისაღწევათ.“

აზნაფა. ღამით მიტინგებიდან დაბრუნებული გროვა დაეცა თოფის წამლის საწყობ სარდაფს. დარაჯებმა ასტეხეს თოფის სროლა და გროვა იძულებული შეიქნა დაშლილიყო. დაატუსაღეს სრულიად უდანაშაულო გლეხი.

კაევი. სოფ. ველიკი ერჩკასში გლეხთა ჯგუფმა მოინდომა დატუსაღებულ ამხანაგების განთავისუფლება; დარაჯებმა ესროლეს თოფები; სროლის დროს დაიჭრა პატარა გოგო. იმ დღესვე, როდესაც გლეხებთა შორის კიდევ განაგრძობდნენ ამხანაგების დატუსაღებას, გლეხები შეიარაღდნენ ვის რათაც შეეძლო და დაერივნენ დარაჯთ, დრაგუნებს და გარეკეს ისინი; დაჭრილია ორი გლეხი.

პეტერბურგა. გააკრეს გრადონა-ჩალნიკის განცხადებები, რომლითაც აკრძალულია კრებები, წითელი ბაირაღების გამოფენა, სიმღერა, თოფის სროლა, სიტყვების წარმოთქმა პროკლამაციების გავრცელება და სხვა. დამნაშავეთ გადახდებათ ჯარიმა 3000 მან. ან დატუსაღებულ იქნებიან სამ თვემდის. უმალღესი ბრძანებით, დათხოვნილ იქმნენ სინოდის ობერ პროკურორის თანამდებობისაგან თავადი შიხმატი შირინსკი.

გაბაგა. „რეჩი“ გვატყობინებს, უკვე ჰქონდათ სათათბიროს წევრთ ფრაქციული კრებები. მსჯელობა ჰქონდათ მუშათა ჯგუფს, ხალხის თავისუფლების და სოციალდემოკრატიულ პარტიებს, ვერ შესდგა კრება 17 ოკტომბრის პარტიისა, რადგან მაგათი რიცხვი უმნიშვნელოა. გადასწყვიტეს სათათბიროს მსჯელობაზე არ დაუშვან ზოგიერთი წევრნი სახელმწიფო საბჭოსი, რომელნიც შუალამის ორ საათზე ჩამოვიდნენ ვიბორგში.

კამათი გადიდვა ხვალისთვის. ხვალვე მოელიან პოლიაკების პარტიის „კოლო“-ს. მურომცევი მიიღო მინისტრთა კომიტეტის თავმჯდომარის ცნობა, რომლითაც ატყობინებს მას, ყოველივე ფულის ანგარიშები ჩააბაროს სახელმწიფო მდივანს. სათათბიროს წევრთ კი, მიეცემათ რაც სახლამდის მისასვლელი ხარჯები დასჭირდებათ. ეხლა პეტერბურგში მოათავსეს 40 ბატალიონი ქვეითა ჯარი, გვარდიის კავალერია, 4 ტყვიის მტყორცნილი როტა. პეტერბურგის რკინის გზის სადგურები ყველა დაჭერილია ჯარებით. გუშინ ბალის ქუჩაზე „ნამდვილ რუსების ხალხის კავშირის“ საჩაიფესთან შეტაკება მოხდა ხალხს და ეჩინდარმებს შორის.

ბაქა. მუშების გაფიცვა ვრცელდება, შესდგამიტინგი, რომელზედაც გადასწყვიტეს: შეწყვიტონ მუშობა. გაიფიცა როდშილდის მუშებიც. **სანკაგა.** დილით, როდესაც საპრობილეში პური შექმნდათ და ქიშქარი ღიათ იყო, გაიქცნენ 50 ტუსალი. დარაჯებმა ასტეხეს სროლა, დასჭრეს სამი და დაიჭირეს ოცი, დანარჩენები გაიქცნენ; დაადვენეს კახაკები და დრაგუნები.

პეტერბურგა. დაიჭირეს გაზეთ „რეჩის“ და „დვაკატი ვეკის“ ნომრები.

გაბაგა. შემუშავებულ ტექსტზე ხალხის მოწოდებისა, ხელი მოაწერეს ყველა სათათბიროს წევრმა, გარდა გეიდენისა და სტახოვიჩისა. ფინლიანდის გენერალ-გუბერნატორის განკარგულების ძალით, ვიბორგის გუბერნატორმა აცნობა სათათბიროს წევრთ შესწყვიტან თათბიროს.

გრაფმა გეიდენმა და სტახოვიჩმა დაპყვეს სათათბიროში სულ 1/2 საათი და საჩქაროთ გაბრუნდნენ პეტერბურგში.

პეტერბურგა. (ოფიციალური) გამოქვეყნდა უმალღესი ბრძანება, შეჩერებულ იქმნას სახელმწიფო საბჭოს მოქმედება, ვიდრე 20 თებერვალამდე, 1907 წლისა.

პეტერბურგა. ტაგანროგის მაზრაში (დონის ოლქი) გამოცხადებულ იქმნა სამხედრო წესები.

კალუგა. მასალსკის მაზრაში, დაბა სპარსუდენსკში, დაარბიეს და მიღწეწმოდეს ბოქაულის ბინა და ზოგიერთი ებრაელების სახლებიც, დარაჯებმა ასტეხეს სროლა, მოკლულია ორი—დაჭრილია ხუთი.

ზელტაგა. დიკანკაში ვიცე-გუბერნატორ კატერინიის ზედ-გავლენის წყალობით, გაფიცულმა მუშებმა დაიწყეს მუშაობა. დღეს ქუჩაში დაატყვევეს რამოდენიმე კაცი; ვიცე-გუბერნატორი კახაკების თანხლებით განაგრძობს იმ ადგილების შემოვლას, სადაც-კი გაფიცვები ხდებოდა.

განშაგა. დილით დოღგის ქუჩაზე რამდენიმე შეიარაღებული კაცი შეუვარდა სახლში სახლის პატრონს გლოდზინსკის მსუბუქად დასჭრეს და მიიმაღნენ.

პეტერბურგა. ფინანსთა მინისტრის ამხანაგი პუტილოვი, თანახმად მისივე თხოვნისა, სამსახურიდან დათხოვნილ იქმნა ავადმყოფობის გამო.

სანატაგა. სერდობის მაზრაში გლეხები სწვავენ მემამულე კრივისკის ფუძეებს; ხოცვენ საქონლებს. იმ გლეხებთ, რომლებიც მონაწილეობას არ იღებენ ამ მოძრაობაში გადაწვას ემუქრებიან.

თბილისა. დილით აქ ქუჩაზე სამამა შეიარაღებულმა კაცმა გაძარცვა თბილისის, რკინის გზის სადგურის, ყოფილი უფროსი ბელვეიჩი; წაართვეს 2000 მანეთი და მიიმაღნენ.

ნოვოზოლნაჟეთი. შანუნის თათრები დაეცნენ სომხების სოფელს, თოფების გასროლის შემდეგ გარეკეს ცხვრის ფარა, დასჭრეს სამი—დაატუსაღეს ორი.

რედაქტორ-გამომცემელი
ა. ზ. რუსხაძე.